

2.

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis decimâ-norâ
mensis Novembris, anno Domini M. DCC. LXXII.*

M. CLAUDIO-ANDREA GOUBELLY,

Doctore Medico, Præside.

An in vivis animalibus cavitatum cordis eadem capacitas?

I.



ARTES ex quibus conflatur corpus humanum eo disponuntur miro ordine, eo virium & actionum amico inter se uniantur commercio, ut mutuum sibi invicem præbeant auxilium, quo varias functiones facilius exercent, & constantius. Id verum sentiunt omnes, mirantur multi, evolvere tentarunt plurimi; at quam difficilis non vitæ tantum & facilitatis adæquata cognitio, sed functionis vel simplicissimæ evolutio mechanica! Singularum partium conformationem, situm, structuram, connexiones, totius denique corporis compagem ponit ob oculos acutissimus & fidus anatomicorum cultellus. Subtiliores canales, particulas visui faciles reddunt injectio Ruischiana, Lowenhoeckii microscopium. Verùm in frigidis his partibus ac torpentibus, viventium & moventium veram imaginem, veram indolem colligere num quid fas est? Non-ne è contrà pro certo tenendum est, à morte fibrarum tonum, vim illam vitæ adeo potentem, nec satis notam, prorsus evanescere, partibus non eundem remanere situm, cavitates alias ampliari, alias minui, uno verbo in cadavere nos frustra inquirere quæ in vivo contemplabamur? Ut ergo recondita naturæ misteria quantum per humanam imbecillitatem datur, quis valeat deprehendere, Phisicè ac Anatomîæ face benè instructus, ad animalium incisionem audax & celer confugiat, naturamque viventem interroget. Sic Harvey sanguinis circuitum, sic Pecquetus noster cisternam lumbarem, sic Gaspar Azellius, vasa lactea, sic Hallerus irritabilitatem, sic & alii partes & proprietates antea ignotas detexerunt, & sese artemque Medicam illustrarunt. Functiones inter nulla sanè præstantior, sanguinis *circulatione*, quæ, cæterarum fons & principium, omnium anatomicorum in se oculos & experimenta convertit. Cor hujus functionis organum primarium musculus est cavus in mediâ parte pectoris inclusus, inter mediastini lamellas positus, velamento proprio quod pericardium audit undequaque coopertus, diaphragmatique innixus. Cordis fabricam, situm in pectore, accessiones ac appendices ultro præmittimus; de ventriculorum cavitatibus æqualibus aut inæqualibus dicturi, contra vulgarem opinionem has cavitates æquales esse probare nobis est in proposito.

AB Anatomizæ incunabulis ad hæc usque tempora, ventriculos cordis æquales, dextrumque sinistro maiorem esse pronuntiarunt omnes ferè Anatomici, uamque sententiam experimentis alii, alii rationum momentis stabilire conati sunt. Primus Helvetius utriusque ventriculi mensuras ponderibus aquæ insusæ collatis definiri posse existimavit. In priori experimento 15 ½ aquæ dragmas sinister, 16 ½ dexter, in altero vero 20 dragmas sinister, 24 dexter admisit thalamus. Bovis dextrum ventriculum uncias cubicas quinque cum semisse, sinistrum vero non uncias quinque iustas continere scripsit, alius autor. D. Haller in fœtu thalamorum capacitates vix à se invicem discrepare confessus, in adulto multum, asseruit; cum ventriculus dexter 24 dragmas aliquando adæquare, sinister contra paululum supra octo recipere ipsi visus fuerit. De ventriculorum inæqualitate nullum jam superesse dubii locum scripserunt celeberrimi illi viri, asseruerunt alii, hisce experimentis compulsi. Sed antequam experimentorum allatorum, aliorumque similium veritati nihil detrahentes, iis tamen fidem non omninò habendam esse, quippe quæ ventriculorum in mortuis, non in viventibus capacitates definiant, comprobemus, suam Physiologicis argumentis fulciantes opinionem liceat audire. Arteriæ pulmonalis ramus, venis correspondentibus ampliores esse cum deprehenderet Helvetius, dum è contra in aliis partibus corporis, arterias venarum numero tum diametro superant, hunc effectum ab aere pulmones perpetuo subeunte pendere interpretatus est. Sanguis enim (inquit) repetitis quos vasa permeando patitur affricibus, incalcescit, rarefit, ab aeris vero contactu in pulmonibus condensatur, ut per pulmonis vasa liber transire valeat; unde ventriculo dextro ampliori struxit capacitatem prudens natura, quia nempe sanguinis eadem quantitas, majus in sinistro ventriculo spatium debet occupare. Ex his præmissis deducebat vir illustrissimus, necessitatem quâ ad respirationis motus exercendos cogimur vel inviti. . . . * Quam caduca & veritati parum consentanea sit hæc explicatio paucis ostendere juvat. Sanguinem in pulmone refrigerari dixerunt non pauci, at pace tantorum virorum dixerunt, nunquam probaverunt. Nunquam enim in arteriâ pulmonali calidiorem, per venas frigidiorum illum in cor redire demonstrarunt. Nec satis in aere cuius calor sanguinis calorem adæquat, immo superat, à quo proinde nullum sperari potest refrigerium, sanam homines vitam degere constat apud omnes. Vivit foetus in utero materno, vivit pullus in ovo calorem incubationis experiente, hinc longè superiorem eo quem in corde ac in suis vasibus generat. Præterea thermometrum Fahrenheitianum sub axillis occlusum ad 105 gradus, soli objectum ad 107, 110, 115, 120 ascendit. Syriis ignibus torrentur messores in agris, in campis apertis milites, fervore æstivo incensus aer, nedum refrigeret, sanguinem adurit; malè ergò à sanguine calidiori, dextri thalami major asseritur capacitas.

* Hanc hypothesin jam pridem in medium protulerat cæcilius folius, in Libro de Cordo, Venetiis anno 1639 edito, in quo hæc verba legenda sunt. Pulmones aerem frigidum inspirantes, bronchisque suis adhærentes, & parenchymate ramulos hujus venæ undique circumplectentes, communicant illis, ac per illos. occluso sanguini, acceptum aeris frigus, quod quanquam modicum videatur, haud parum retundit, sopitque fervorem, haud secus ac æleni halitu ebulliens aqua in cacabo subiecto igni sedatur, fervoremque remittit, sicque paululum sanguis refrigeratus transit è venâ arteriosâ in venam arteriosam, &c.

I I I

VENTRICULORUM inæqualitatis defensores inter eminentes Santorini & Senac, quorum confessio nostræ thesi probandæ viam parabit expeditionem. Sanguinem tenuia pulmonum vascula non pari velocitate quoecumque respirationis tempore permeare norunt omnes. Modo citius, modo lentius flui, cohibita respiratione stagnat immotus, nec redit ad thalamum sinistrum. Interea tamen cor pluries contrahitur, liquorem suum à cæteris corporis partibus reducem, cuius admittendi incapacia sunt vasa intra pulmones jam turgentia, recipit. Hinc juxta

Santorinum, tanta tum in dextro ventriculo, tum in auriculâ dextrâ capacitas requirebatur, quâ sanguini affluenti continendo par esset, & pulmones ab infarctu tueretur. Jam vero capacitatem hanc majorem singulis vitæ momentis adscribere non licet, quippe quâ constans ac perennis, nullum in his circumstantiis, quibus tamen hanc dicevit Santorini, amplius sanguini suppeditare posset diverticulum, aut si tunc crescere cogeretur, in immensum brevi dilataretur ventriculus dexter hominis vehementi & concitatâ oratione differentis, æstantis irâ, aut celeri cursu abrepti, & quamvis valida sit hujus ventriculi compages, disruptæ frequentiora occurrerent exempla. Idem ferè sentit, & ex iisdem phenomenis majorem thalami dextri capacitatem astruit Senac, quam non congenitam, sed merè accidentalem proponit. Sanguinis quem venæ cavæ & auricula dextra fundunt progressus per arterias pulmonales sæpe sæpius impeditur, sistitur, in nixu V. G. anhelitu, nifu. In dextro igitur ventriculo quiescere, stagnare cogitur, hujusque fibras sensum sine sensu distendere. Quibus prematur difficultatibus hoc sistema, ex supra dictis quivis facile concluder. Hoc unum addemus, experimentis apertè monstratam ventriculi dextri majorem capacitatem, crediderunt, amplexi sunt, eamque cum vitæ phenomenis consentientem immo necessariam variis rationum momentis stabilire gesserunt. Vanas ac falsas explicationes ostendimus, nunc fallacia experimenta aliis consecrari postulat nostri propositi ratio.

I V.

CIRCA ventriculorum capacitatem inæqualem mens hærebat anxia, hinc experimentis Helvetii & aliorum attracta, hinc argumentis aut infirmis aut falsis repulsa, clarissimorumque virorum Loweri, Boerrhavi, Lieutaud, Weis, & aliorum in contrariam sententiam abeuntium testimonio permota, cum plurimorum militum in quibus venæ cavæ ense apertæ totum ferè sanguinem effuderant, incidendi corpora data fuit occasio. Cor attente perlustrantibus nullum inter thalamos sese obtulit discrimen. Dextrum capaciorem in aliis sæpe videramus, at sanguine turgentem. Hisce in cadaveribus sanguine per venarum cavarum vulnus exhausto, vacuus, vi propriâ contractus, solito longè minor apparuit, nec cavum in alterutro majus erat. Hinc majorem capacitatem in mortuis à sanguine in dextro thalamo remanente suspicati fuimus. Nec morâ, veritatis detegendæ occasiones pro votis multiplices præbebant carnariæ tabernæ. Animalium tum sectione colli, tum hemorrhagiâ pereuntium, thalamos juvabat inspicere, conferre, metiri. Nullus in thalamis stagnabat sanguis, nulla inter dextrorum sinistrorumque cavorum capacitatem notanda fuit discrepantia. Idem observavit & affirmavit, D. Weis in homine cujus caput ob patratum facinus gladio fuerat abscessum. Arterii & venis collis hiantibus totus emissus promanaverat sanguis, vacui cordis thalami pari donabantur capacitati. Ex iis quidni concluderemus ampliorem non esse in vivis animalibus cordis dextrum thalamum, ideoque majorem sæpe-sæpius patere, quia sanguine intrâ suum & auriculæ cavum, dum mors instat, collecto turget & distenditur. Neminem enim latet sanguinem per pulmones trajici non posse, nisi pulmo alternis respirationis motibus agitur, neminem latet pariter in moribundo aliquanto citius respirationem quam cordis motum definire. In eo igitur agone certo mortis prænuncio, pulsata, contrahitur aliquamdiu ventriculus sinister, sanguinemque in aortam, hinc in venas cavas, auriculam urget, dum pulmo flaccidus, immotus, immeabilis, sanguini è dextro ventriculo præcludit exitum, aut saltem protrusum ad sinistram ventriculum propellere non valet; adeoque affluente sanguine obruitur ventriculus dexter, distenditur, distenduntur auricula dextra, arteria pulmonalis, donec majorem copiam recipere non possint; venæ contra pulmonales quarum rami eo latiores, quo magis à trunco recedunt, auricula dextra, ventriculus sinister, aorta, vi quâ pollent adhuc, contrahuntur, inaniuntur.

QUANTUSCUMQUE sit numerus eorum qui nostræ dissentiant opinioni; illam ideo rejiciendam esse, & inter commenta relegandam nemo sanæ mentis edicto præcipiti pronuntiabit, cum sexcentos & à multis retro sæculis retro sæculis defensus historia medica, & errores acriter defendisse circa hepatis officium, & muna, circa nervi majoris sympathici originem, circa alimentorum digestionem, &c. Unde non numerandi auctores, sed ponderanda argumenta. Ast objicit, experimentis Helvetianis suffragatur autopsia. Absit ut contra dicamus. Verum quam dissimilis sit partium in mortuo & in vivo situs, quam parum autopsiæ in cadaveribus susceptæ sit fidendum evincunt multa nunc melius aliis experimentis nota. Clinicos inter quot reperire est, qui digitis ac manu tumens hepar prehendere, mensurare, singulis diebus, etiam instante obitu, assueti, in cadavere ne minimum quidem tumoris vestigium reperisse stupeant. Prominebat hepar vivente, mortui sub costis latet depressum. Vitâ mox defuncti abdomen lustras. En stomachus pendens arcum tibi offert, unum inferiorem, superiorem alterum; at Winslow credas, credas vulnere, viscus hoc lædentium, inspectioni. Qui tibi, inferior visus est, anteriorem tene, qui superior; posteriorem. A destructione virtutis tonicæ quantum partes inter vivas & mortuas, ratione coloris, roboris, capacitatis discrimen! Autopsiæ ergo in cadaveribus fuscetæ ne nimium, ne semper, ne in omnibus credas. Thalamum cordis dextrum capaciorē exhibet pars cadaverum maxima. Fatemur libenter. Ergo apud cadavera plurimò cordis dexter thalamus sinistro capacior est. Ast in hominibus, in canibus, in ovibus, in aliis animalibus vitâ à sanguine exhaustis, dextri thalami eadem est capacitas ac sinistri:

Ergò in vivis animalibus ventriculorum cordis eadem capacitas.

DOMINI DOCTORES DISPUTATURI.

*M. Petrus - Joannes - Claudius
MAUDUYT DE LA VARENNE.*

M. Stephanus D'HUAYME.

*M. Joannes-Armandus ROUS-
SIN DE MONTABOURG.*

M. Natalis-Nicolaus MALLET.

*M. Franciscus-Ludovicus-Tho-
mas D'ONGLÉE.*

M. Guillelmus FUMÉE.

M. ANTONIUS GARNIER.

*M. Jacobus - Ludovicus AL-
LEAUME, Rei Herbaria Pro-
fessor, Militarium, Nefoco-
miorum at Regis Exercitum,
nec-non in Insulis Americanis
nuper Medicus Regis.*

*M. Claudius-Franciscus GRAND-
CLAS, Eques, Stanislaus I.
Poloniarum Regis, olim Con-
siliarius Medicus & Regionum
Exercituum à Consiliis Me-
dicis.*

Proponebat Parisiis ANTONIUS CHAUMONT SABATIER, Parisinus,
Saluberrimæ Facultatis Medicinæ Parisiensis Baccalaureus, Thecos Autor.
A. R. S. H. 1772. à sextâ ad meridiem.

Typis QUILLAU, Universitatis & Facultatis Medicinæ Typographi. 1772.